

نور كوردی

ناشری : نور كوردی

مدیری : آق جورہ اوغلی یوسف

ادارہ مدیری : توفیق نورالدین

ییل ۱۳۳۰ : صانی ۷ ۲۹ مایس ۱۳۳۰ ییل ۳ جلد ۶ صانی ۶۷

حبری عبدالرحمن افندی

(ادرنه) دن یتیشن ارباب معارفدن بر ذات اولوب علمادن (حسین) افندیك اوغلودور. تحصیلنی مملکتیله (استانبول) ده اکلدن صوکره حاکمک مسکنه کیره رک بو وظیفه ایله برخیلی سیاحت ایله دی. آخر مأموریتی اولان (سیروز) قاضیلکنده ایکن ۱۰۸۷ تاریخده وفات ایده رک (حصار آردی) دینیلن محله دفن ایلدی. بر قاق سنه اول کلن بر سیلده قبری بوزولدیغندن ایوم سنک عزاری مشهور دکلدور. مساککی اولان علوم شرعیه ده اختصاصی اولدیغی کبی علم تاریخ و ادبیاتده بهره صاحبی بولوندیغنه آثار ی شاهددر. آثار علمیہ سندن کوروله بیئلری بونلردور:

(۱) (ریاض العارفین): مؤلفین اسلامیہ دن (حسین واعظ) ک تألیفاتندن اولان (حدیث اربعین) ک توسیعاً ترجمه سی اولوب بر نسخه سی (فاتح) کتبخانه سنده واردور.
(۲) (انیس المسامیرین): (ادرنه) نک فتحندن اول وصوکره کی احوال تاریخیه. سندن باحث اون دورت فصلی محوی برجلده اوزره مرتب تاریخی بر اثر اولوب ادرنه یه منسوب رجالک مختصر مسورتده تراجم احوالی ده مندرجدر. تاریخ تألیفی (خاتمہ) کله سنک دلالت ایتمیکی (۱۰۴۶) در. زمانز ارباب دانشندن (ادرنه) لی (بادی احمد) افندی مرحوم طرفندن اوچ بویوک جلد اوزره توسیع و تزییننه بذل همت ایلمیشدر. بوقیمتدار اثرک خط دستیلہ محرر طاقی مخدوم عالیلری (ادرنه) مبعوث محترمی (فائق) بک افندی ده موجوددر.

(۳) (دفتر اخبار): آلتی دفتر بر خاتمہ اوزره مرتب تاریخی بر اثردر. بوتکده بر نسخه سی سلطان (بایزید) ثانی جامع شریفی جناحنده کی شیخ الاسلام (ولی الدین) افندی کتبخانه سنده واردور.

(۴) (حدایق الجنان): مطایبات و محاضراتدن باحث سکیز باب اوزره مرتب بر اثردر. بر نسخه سی (اندرون هایون) ده (روان اوطله سی) کتبخانه سنده موجوددر.

(۵) دیوانچه: طرز معلوم اوزره در. اشبو آثارک جمله سی غیر مطبوع اولوب اک مشهوری (انیس المسامیرین) در. (استانبول) کتبخانه لرینک بعضیلرنده موجود اولان بو اثرک بر نسخه سی ده (سیروز) کتبخانه سنده واردور.

چنگل کوی، ۲۸ نیشان ۱۳۳۰

بررسی محمد طاهر

یل ۳ - جلد ۶ - صابی ۷